

Mahasiswi dominasi MPP UMP 2011/2012

Oleh Rosniza Mohd Taha
yoniza@bharan.com.my

PELAJAR perempuan mendominasi barisan kepemimpinan Majlis Perwakilan Pelajar (MPP) Universiti Malaysia PAhang (UMP) sesi 2011/2012 apabila 63 peratus atau 15 daripada 24 calon yang mengadalah mahasiswa pada proses pemilihan universiti itu kelmarin.

Calon pelajar perempuan, Shahira Mohd Basir, 21 dari Fakulti Kejuruteraan Awam & Sumber Alam juga meraih undian tertinggi bagi kerusi Umum dan berazam merealisasikan manifesto bagi meningkatkan isu kebijakan dan keselamatan pelajar di kampus.

Penolong Naib Canselor (Hal Ehwal Pelajar & Alumni), Profesor Dr Yusserie Zainuddin yang juga Pengerusi Jawatankuasa Pelaksana Pemilihan MPP UMP 2011/2012 berkata, proses pemilihan bagi lapan kerusi umum dan 16 kerusi fakulti dipertandingkan berjalan lancar.

Sebanyak 75 peratus atau 4,596 pelajar menuaikan tanggungjawab mengundi di Kompleks Sukan UMP Gambang dan buat julung kalinya di Dewan Fakulti Kejuruteraan Elektrik & Elektronik Pekan, kelmarin.

"Tahun ini juga menyaksikan pertambahan calon sebanyak 74 peratus iaitu 53 calon termasuk 23 calon wanita berbanding 39 calon

sebelum ini. "Ini membuktikan mahasiswa UMP telah mempunyai kesedaran untuk menjadi pemimpin dan mewakili suara mahasiswa universiti," katanya.

Proses pemilihan di Universiti Tun Hussein Onn Malaysia juga berjalan lancar dengan 75.85 peratus iaitu seramai 7,120 daripada 9,390 pelajar mengundi bagi 23 calon bertanding merebut 10 kerusi Umum dan 36 calon merebut 20 kerusi fakulti.

Mohd Hafiz Ariffin calon popular bagi kerusi Umum apabila mendapat 4,324 undi diikuti Siti Nur Izwani Mansor (4,053 undi) dan Nur Farhana Tajudin (3,885).

BA (Varsiti) 24/2/11 ms4 Khomis



TIMBALAN Naib Canselor (Akademik & Antarabangsa), Profesor Dr. Badhrulhisham Abdul Aziz (kiri) bersalaman dengan Muhammad Fazli Abd. Halim yang menang dalam pilihan raya kampus baru-baru ini sambil diperhatikan Penolong Naib Canselor (Hal Ehwal Pelajar & Alumni), Profesor Dr. Yusserie Zainuddin dan calon yang menang selepas pengumuman keputusan pengundian di Kompleks Sukan UMP baru-baru ini.